

ახალი სარგებელი

№319 (11), 11 მაისი, 2016 წ.

მიწოცვა

ვულოცავთ ბაზალეთის მასობრივ დეპუტატს, ხარაგაულის მუნიციპალიტეტის საკრებულოს საფინანსო-საბიუჯეტო კომისიის თავმჯდომარეს, მოსწავლეების უსაყვარლეს პედაგოგს, **ზარლამ ჭიკაშვილს** დაბადების დღეს. ვუსურვებთ თავის საქმესა და ადამიანებზე უსაზღვროდ შეყვარებულ პერსპექტიულ ახალგაზრდას ყველა იმ ჩანაფიქრის სრულყოფას, რომელიც გააბრწყინებს მის საფიქრ კუთხეს, შევბა-სიხარულს აზიარებს იმ ადამიანებს, რომელთა უკეთესი ანწყობი მიიღო ყოველწამიერი საზრუნავია.

ა(ა)იპ „მოსაზრებითა ჩართულობის და ინფორმირების მუნიციპალური ცენტრი“

ხარაგაულში დიდი გაბარჯვების 71 წლის იუბილე აღინიშნა



9 მაისს ხარაგაულში ფაშისძე გამარჯვების 71 წლისადმი მიძღვნილი ღონისძიება გაიმართა. ომის ვეტერანებს დღესასწაული მიულოცეს და ომში დაღუპულ გმირთა მემორიალი გერგინით შეამკეს ხარაგაულის მუნიციპალიტეტის გამგებელმა კობა ლურსმანაშვილმა, გამგებლის მოადგილეებმა: პაატა გოგოლაძემ, დავით დეგდაძინამ, ხარაგაულის მაჟორიტარმა დეპუტატმა ნოდარ ებანიძემ, მუნიციპალიტეტის საკრებულოს თავმჯდომარე ინგა მალარაძემ და ადგილობრივი ხელისუფლების სხვა წარმომადგენლებმა.

ნელს დაიდა გამარჯვების 71-ე წლისთავს ხარაგაულში 17 ვეტერანი შეხვდა, მათგან ღონისძიებაზე მოსვლა მხოლოდ ოთხმა შეძლო.

71 წელი გავიდა მას შემდეგ, რაც ისტორიის ჩაბარდა თავისი შედეგებითა და მასშტაბებით ყველაზე სასტიკი ომი... ომი, რომელიც

ფერი ფრონტისათვის, ყველაფერი მტერზე გამარჯვებისათვის.

9 მაისისადმი მიძღვნილი ღონისძიების დასკვნითი ეტაპი ხარაგაულის ისტორიულ მუზეუმში გაიმართა. ომის ვეტერანებს გამარჯვების 71-ე წლისთავი ადგილობრივი ხელისუფლების წარმომადგენლებმა მიულოცეს და სიმბოლური საჩუქრები პირადად გადასცეს: მუნიციპალიტეტის გამგებელმა კობა ლურსმანაშვილმა, საკრებულოს თავმჯდომარემ ინგა მალარაძემ და ა(ა)იპ „სათნოების სახლის“ დირექტორმა, გიორგი ჩიჩილაძემ.

ისტორიული მუზეუმის დირექტორის მოადგილემ, მთავარი ფონდის მცველმა, ქალაქონმა ეკა შველიძემ, კიდევ ერთხელ გაიხსენა ყველაზე მასშტაბური და სისხლისმღვრელი ომი და ამ ომში ქართველთა წვლილი და მათ უსაზღვრო თავდადებაზე ისაუბრა.

ომის ვეტერანებს სიტყვით მიმართა მუნიციპალიტეტის გამგებელმა, კობა ლურსმანაშვილმა: „თქვენ ბრძანდებით ის ადამიანები, რომლებმაც პირადად მოიხადეს ვალი სამშობლოს წინაშე. თქვენი დამსახურებით, ჩვენმა სამშობლომ დიდ გამარჯვებას მიაღწია. თქვენი თავდადება და გმირობა კვლავ დიდხანს იქნება მაგალითი მომავალი თაობისათვის. თქვენ ხართ არა მარტო ომის მონაწილეები, არამედ - გმირებიც. უფალმა დაგლოცეთ და გაგაძლიეროთ, გისურვებთ დიდხანს სიცოცხლეს.“

ხარაგაულის ქალთა ასსამბლმა „მანდილა“ ღონისძიებაზე ომის თემებზე შექმნილი სიმღერები შეასრულა. სპეციალურად დღესასწაული დღისთვის შედგა ხარაგაულის კულტურის ცენტრთან არსებული ახლად შექმნილი ანსამბლის დებიუტი, სიმღერით „წივი ქრის“. ხარაგაულის ისტორიულ მუზეუმში ომის ვეტერანების საპატივცემლო სახეობა ალა-ფურშეტი მოეწყო.

საქართველოს მთავრობის გადაწყვეტილებით, ომის ვეტერანებს 600 ლარი გადაეცემათ,



ხოლო მარჩენალდაკარგული ოჯახები 300 ლარიან დახმარებას მიიღებენ. ადგილობრივი ბიუჯეტიდან ამ დღესთან დაკავშირებით ომის ვეტერანები ასევე 200 ლარს მიიღებენ. აღსანიშნავია ის ფაქტიც, რომ მუნიციპალიტეტის გამგებმა მათ ყოველთვიურად კომუნალურ ხარჯებს უფარავს.

აპა ზაზიძე

ხარაგაულის მუნიციპალიტეტში უფასო საბავშვო საცხენო აქცია გაიმართა

14 მაისს ხარაგაულის მუნიციპალიტეტის გამგებობის, ა(ა)იპ „მოქალაქეთა ჩართულობისა და ინფორმირების მუნიციპალური ცენტრის“ ინიციატივითა და დაბის N3 საჯარო სკოლის მხარდაჭერით ხარაგაულში უფასო საბავშვო აქცია გაიმართა. სამედიცინო აქციას საერთაშორისო ასოციაცია „საქართველოს ქალები მშვიდობისა და სიცოცხლისათვის“ განახორციელებს. აქციის ფარგლებში პაციენტებს უფასოდ მოემსახურებიან მალდკველ-ფიციაური ექიმები: კარდიოლოგი, თერაპევტი, ენდოკრინოლოგი, ოფთალმოლოგი, პედიატრი, გინეკოლოგი, ნერვოლოგი, ნერვოპათოლოგი. პაციენტებს საჭიროებიდან გამომდინარე, ასევე ჩაუ-

ტარდება უფასო ექსკოპიური, კარდიოლოგიური და ლაბორატორიული გამოკვლევები. ხარაგაულში სამედიცინო აქციას საერთაშორისო ასოციაციასთან არსებული მობილური სამედიცინო ბრიგადა განახორციელებს. გასინჯულ პაციენტებს საჭირო მედიკამენტები უფასოდ გადაეცემათ. გამოკვლევების ჩატარება ხარაგაულში მცხოვრებ ნებისმიერ პირს შეუძლია.

პაციენტთა მიღება მოხდება დაბის N3 საჯარო სკოლაში 11.00-დან 19 სთ-მდე.

დამატებითი ინფორმაციისათვის დარეკეთ ტელეფონის ნომერზე: 595-51-98-12

„ეტალონი“ გაბარჯვებულ მოსწავლეებს ნოუთბუქები გადაეცა

3 მაისს ხარაგაულის საგანმანათლებლო რესურსცენტრში (უფროსი დავით კიკნაძე) მუნიციპალიტეტის გამგებელმა, კობა ლურსმანაშვილმა ხარაგაულში „ეტალონი“ გამარჯვებულ მარია ფცქიალაძეს (მარელოსის საჯარო სკოლა - I ადგილი), ნონა მჭავარიანს (N2 საჯარო სკოლა - II ადგილი) და სოსო გოგოლაძეს (ბორითის საჯარო სკოლა - III ადგილი) ნოუთბუქები გადასცა.

მუნიციპალიტეტის გამგებელმა, კობა ლურსმანაშვილმა, დამსწრე საზოგადოებას ალდგომის ბრწყინვალე დღესასწაული მიულოცა და „ეტალონი“ გამარჯვებულებს ნარმატები უსურვა. „გარკვეული დრო გავიდა მას შემდეგ, რაც „ეტალონი“ გამარჯვებულებს ნოუთბუქების გადაცემას დაეპირა. ვეგემავდით, დანაპირები, 14 მაისს, როდესაც თბილისში „ეტალონი“ მასშტაბური ღონისძიება გაიმართებოდა, მაშინ შეგვესრულებინა. თუმცა, ჩვენი ოპონენტების მხრიდან, განსაკუთრებით კი „ერთიანი ნაციონალური მოძრაობის“ წარმომადგენლებიდან, ხშირად ისმოდა კრიტიკა, რომ დანაპირებს არ ვასრულებდით. მუნიციპალიტეტი ნარმატებულ მოსწავლეებს ყოველთვის დაუდგება გვერდით და გაუნებს დახმარებას. ეს ჩვენგან პირობითი საჩუქარია, რათა თქვენ კიდევ უფრო წარმატებულნი იყოთ.“ — აღნიშნა კობა ლურსმანაშვილმა.

საგანმანათლებლო რესურსცენტრის უფროსმა, დავით კიკნაძემ მოსწავლეებს ნარმატები უსურვა და მუნიციპალიტეტის გამგებობას მადლობა გადაუხადა გვერდით დგომისთვის.

21 მაისს თბილისის სპორტის სახალხო პროექტ „ეტალონი“ ფინალური შეხვედრა გაიმართა, სადაც მონაწილეობას საქართველოს მუნიციპალიტეტებში გამარჯვებული მოსწავლეები მიიღებენ. ფინალში ხარაგაულის



„ეტალონი“ პირველი ადგილის მფლობელი, მარია ფცქიალაძე, იბრძოლებს გამარჯვებისთვის.

მარელოსის საჯარო სკოლის მოსწავლე მარია ფცქიალაძე: „მინდა, უღრმესი მადლობა გადავუხადო ხარაგაულის მუნიციპალიტეტის გამგებელს, ბატონ კობა ლურსმანაშვილს, ასეთი ძვირფასი საჩუქრისათვის, გვერდით დგომისა და ნახალისებისათვის. მადლობა ასევე ჩემს პედაგოგებს, ვუსურვებ მათ, რომ თავიანთი მოსწავლეებით კიდევ ბევრჯერ ეამაყონ.“

ბარბარა ზურაბაძე

ხარაგაულის სტუმართმოყვარეობა „გვირილობა 2016“-ზე



„გვირილობის“ დღესასწაული ქუთაისში სახალხო ზემოთ აღინიშნა. მუხნაზის ტყე - პარკში იმერეთის 12 მუნიციპალიტეტი შემოქმედებითი ღონისძიებებით, ეთნოგრაფიული და ტრადიციული გასტრონომიული კუთხით იყო წარმოდგენილი. ხარაგაულის მუნიციპალიტეტმა ჩვეული სტუმართმოყვარეობით წარმოადგინა თავისი კუთხის ტრადიციები, როგორც სამზარეულო, ასევე ორიგინალური ხალხური რევის ნიმუშები და ხის ნაკეთობები. მუხნაზის ტყეში გასართობი და სპორტული აქტივობები გაიმართა. მოეწყო გამოფენები, თეატრალიზებული სანახაობები. მუნიციპალიტეტის ფოლკლორული ანსამბლების მონაწილეობით გაიმართა კონცერტი. კონცერტზე კიბის ფოლკლორულმა ანსამბლმა, „ოდილამ“ იმერული ხალხური სიმღერები „ჭონა“ და „იმერული სახუმარო“ შეასრულა. ხარაგაულელი სალომე კვიციანი

ლის სიმღერამ „იმერეთი“ ოვაციებისა და აპლდისმეგობრების ფონზე ჩაიარა. ხარაგაულელმა სპორტსმენებმა მონაწილეობა მიიღეს საჩვენებელ ქართულ ჭადრაბში. „გვირილობა 2016“-ს ქუთაისში ხარაგაულის მუნიციპალიტეტის გამგებელი, კობა ლურსმანაშვილი, გამგებლის მონაწილეობით და ადგილობრივი თვითმმართველობის სხვა წარმომადგენლები ესწრებოდნენ. ქუთაისს ამ დღეს რეგიონული განვითარებისა და ინფრასტრუქტურის მინისტრი ნოდარ ჯაფარიძე სტუმრობდა. ღონისძიებებს ქუთაისის მერი შოთა მურულუა, იმერეთის გუბერნატორი გივი ჭიჭინაძე, საკრებულოს თავმჯდომარე დავით დვალი, მხარის და ქალაქის სხვა წარმომადგენლები და უცხოელი სტუმრები დაესწრნენ. ქუთაისქალაქში ეს ტრადიცია, რაც „გვირილობის“ ზემო უკავშირდება მე-19 საუკუნეიდან იღებს სათავეს. აქტივობებს იმერეთის მუნიციპალიტეტებიდან ასობით ადამიანი ესწრება.

აპა ზაზიძე



სოფელ ბაზალეთში ცენტრალური გზის მოასფალტების სამუშაოები გრძელდება

სოფელ ბაზალეთში ცენტრალური გზის მოასფალტების სამუშაოები გრძელდება. 3 მაისს მიმდინარე სამუშაოები მუნიციპალიტეტის გამგებელმა, კობა ლურსმანაშვილმა, ბაზალეთის მაჟორიტარმა დეპუტატმა, ვარლამ ჭიკაშვილმა და საკრებულოს ეკონომიკის, კონების მართვისა და ინფრასტრუქტურის საკითხთა კომისიის თავმჯდომარემ, შალვა ლურსმანაშვილმა, მონაწილეობა მიიღეს. პროექტი რეგიონული განვითარების ფონდიდან 230 000 ლარით დაფინანსდა და ერთკლომეტრიანი გონაკეთის სოფელი რეაბილიტაცია თვის ბოლოს დასრულდება.

შეგახსენებთ, რომ გასულ წელს გზა სოფლის ცენტრამდე მოასფალტდა. ამჟამად კი, სამუშაოები სოფელ ბაზალეთიდან ღარიბეის მიმართულებით



მიმდინარეობს. სოფელში მოასფალტებული გზა არასდროს ყოფილა. მოსახლეობა დღემდე ამორტიზებული გზით გადაადგილდებოდა.

კობა ლურსმანაშვილი - ხარაგაულის მუნიციპალიტეტის გამგებელი:

„გზის სარეაბილიტაციო სამუშაოები აქტიურად მიმდინარეობს. სოფელში მოეწყო გარე განათების ქსელიც და ვეგემავთ ბაზალეთის ადმინისტრაციულ ერთეულში შემაჯალ სხვა სოფლებშიც გაკეთდეს გარე განათება. სოფელში დასრულებულია გაზოფიცირების პროექტი და სამუშაოები უახლოეს მომავალში დაიწყება. ბაზალეთის ჰუკუს ძალიან კარგი გამგებლის წარმომადგენელი და აქტიური მაჟორიტარი დეპუტატი. ისინი ყველა პრობლემასთან დაკავშირებით არიან ადეკვატურები და დროულად ახდენენ რეაგირებას.“

ვარლამ ჭიკაშვილი - ბაზალეთის მაჟორიტარი დეპუტატი: „ამ ეტაპზე მიმდინარეობს ერთკლომეტრიანი გზის მოასფალტების სამუშაოები. ამავე დროს მოხდება სანაღურ არხების მოწყობა. გაკეთდა საუკუნის პროექტი, რომელიც დარჩენა მომავალ თაობას და მოსახლეობას გადაადგილება გაუადვილებს. პრაქტიკულად ბაზალეთი გახდება დაბის ტიპის დასახლება, სადაც იქნება კეთილმოწყობილი გზა, გარე განათება, გაზი, მონესრიგებული ინფრასტრუქტურა, მათ შორის, ხიდ-ბოგირები და ა.შ. ეტაპობრივად ხდება მოსახლეობის სოციალური პრობლემების გადაჭრა, ეს კი იმის დასტურია, რომ სოფელი განვითარების ეტაპზეა.“

ამირან ჭიკაშვილი - ბაზალეთში მცხოვრები: „სოფელში გზის პრობლემა ყოველთვის გავრცობდა. გზა იხრებოდა, თუმცა მალევე ზიანდებოდა. დღეს კი ყველაფერი ხარისხიანად კეთდება. გზა მოასფალტდა და ყოველთვის მისასაღებელია. სოფელში ბევრი რამ გაკეთდა ბოლო წლების განმავლობაში და ადგილობრივები კმაყოფილები ვართ. მადლობა მუნიციპალიტეტის გამგებელს, ბატონ კობა ლურსმანაშვილს და მაჟორიტარ დეპუტატს, ბატონ ვარლამ ჭიკაშვილს, ბაზალეთში ასეთი მნიშვნელოვანი ინფრასტრუქტურული პროექტების განხორციელებისათვის.“

აპა ზაზიძე

„ფორტეპიანოს პრინცი საქართველოდან“

ულამაზესი და ნიჭიერად დაგეგმილი ღონისძიებებით აღინიშნა ქუთაისობა ანუ „გვირილობა 2016“. ხარაგაულის მუნიციპალიტეტმა გულით გაიზიარა ქუთათურთა სადღესასწაულო განწყობა და თავისი სიკეთის სხივი მიაშუქა ამ დღეთა ბრწყინვალეობას.

3 მაისი, საღამოს 8 საათი... მაცურებელს ვერ იტევს ქუთაისის ლადო მესხიშვილის სახელობის პროფესიული სახელმწიფო დრამატული თეატრი. აქ საქველმოქმედო კონცერტს მართავს მსოფლიოში აღიარებული პიანისტი, იუნესკოს მშვიდობის ელჩი, ელისო ბოლქვაძე...

არა აქვს მნიშვნელობა გაქვს თუ არა შეგება მუსიკასთან. გაოგნებულია დარბაზი. ფორტეპიანოს კლავიშებზე მფრინავი თითებით სრულდება ფრედერიკ შოპენის, კლოდ დევიდის, სერჯეი პროკოფიევის საოცარი ნაწარმოებები.

ოთხი წლის ასაკიდან გამოავლინა გოგონამ ღვთისგან მიმადლებული ნიჭიერება. უკვე შვიდი წლის ასაკში პირველი კონცერტი გამართა ორკესტრთან ერთად.

ნიჭიერებასთან შერწყმულმა თავდაუზოგავმა პრომამ გაუკვალა მას გზა დიდი წარმატებისკენ. ელისო ბოლქვაძე არის მრავალი საერთაშორისო კონკურსის გა-

მარჯვებული. აი, მცირე ჩამონათვალი: ვან კლიბერნის კონკურსი (აშშ), ვიანა და მოტა (ლისაბონი), აქსას საერთაშორისო პიანო ფესტივალი (დუბლინი), მარგარიტ ლონგის კონკურსი (პარიზი). მიღებული აქვს „სპეციალური პრიზი“ ფრანგული მუსიკის საუკეთესო შესრულებისათვის.

როგორც ქართველს, სიამაყე გაკვებს, როცა ეცნობი ქალბატონი ელისოს მიმართ მსოფლიო პრესის შეფასებებს: „ფორტეპიანოს პრინცი საქართველოდან“, „გასაოცარი ტალანტი“, „ბრწყინვალე ვირტუოზი და შესანიშნავი პიროვნება“, „საოცარი მგრძობელობით გაჟღერებული თითოეული ნოტი“, „გამაოგნებელი თავისი ვირტუოზულობით, ინდივიდუალურობითა და არტისტიზმით“ და უამრავი სხვა.

პიანისტმა 2013 წელს დააარსა საქველმოქმედო ფონდი „ლირა“, რომელიც ხელს უწყობს ახალგაზრდა ნიჭიერი ქართველი პიანისტების წარმოჩენას. ამავე წელს დააფუძნა ბათუმის საერთაშორისო კლასიკური მუსიკის ფესტივალი.

პირველად საქართველოს ისტორიაში 2015 წელს ელისო ბოლქვაძეს მიენიჭა „იუნესკოს მშვიდობის არტისტის“ მაღალი ნიშნავი. ამავე წელს საფრანგეთში მას ერთ-ერთი ყველაზე პრესიულური კავალერის ორდენი მიანიჭა ხელისუფლებასა და ლიტერატურაში.

იმ წუთებში, სწორედ კონცერტის მსვლელობისას, გახდა ჩემთვის ცნობილი, რომ ელისო ბოლქვაძე ცნობილი პოეტის, ზაურ ბოლქვაძის ქალიშვილია. მუსიკის სფეროდან შორსა ვარ და ამ წერილის დაწერის უფლებაც სწორედ პოეტის დიდი სიყვარულით მივეცი ჩემს თავს.

ჯერ კიდევ სტუდენტი ვიყავი, როცა ზაურ ბოლქვაძის პირველი პოეტური კრებული „ღვთის დასახსი“ გამოვიკა. შემდეგ მას მოჰყვა კრებულები: „ლექსები“, „მინის სიმწვანე“, „ვარსკვლავები“ და სხვა. პოეტს პირადად ვიცნობდი. მასსოვს ერთ-ერთი შეხვედრაზე, რომელიც მის პირველ კრებულს ეძღვნებოდა, პოეტს ჟურნალ „ცისკარში“ გამოქვეყნებული ერთ-ერთი პოეტის სიტყვებით მივმართე:

„ჩვენში კარგ საქმეს არ იფიქრებენ, ბევრი ლექსია ამის თავდები, შენ ამ პატარა ლევიით იწყები, და, ქარიშხლითაც ნუ დამთავრებენ...“
„ფერის თაობას კარგად ახსოვს სატირულ-იუმორისტული ჟურნალი „ნიანგი“, რომელსაც იმჟამად ყველასთვის საყვარელი მწერალი ნოდარ დუმბაძე რედაქტორობდა და ახსოვს ჟურნალის პასუხისმგებელი მდივანი ზაურ ბოლქვაძე, რომელიც ბათუ მელიას ფსევდონიმით აქვეყნებდა ეპიგრამებს და ებრძოდა ცხოვრების მანიკერებს.“



ექვსიოდე წლის წინ ნაიდა მამა, რომელიც ასე ეფერებოდა მშობელ ქართულ მინას:

„ო, თუ დაიტევს ეს გული ნეტავ, ამ მთებს და ველებს, ცას და ვარსკვლავებს შემწედ მყვოლე, მინაო დედევ, და შენი დიდი გზები მასწავლე!“

სამშობლოს გულისაკენ მიმავალი გზებით იარა მამამ, ზაურ ბოლქვაძემ, მსოფლიოს ხალხთა გულებისაკენ უსწრაფესი ნაბიჯებით მიემართება მისი ასული, „ფორტეპიანოს პრინცი“, ელისო ბოლქვაძე.

მერი ბიორგიძე

„მშვიდობიანი საქართველო“ ხარაგაულში ახალი ბურჟუაზიის პროექტის განხორციელება იწყებს



არასამთავრობო ორგანიზაცია „მშვიდობიანი საქართველო“ (პრეზიდენტი ირაკლი ჩიგოგიძე) ახალი ტურისტული პროექტის განხორციელებას იწყებს. „ეკო-ტურიზმი-გარემოს დაცვა“ ბაღდათისა და ხარაგაულის მუნიციპალიტეტებში განხორციელდება. პროექტის მიზანია ახალგაზრდების დასაქმება და არაფორმალური განათლებით მათი დაინტერესება სხვადასხვა პროორიტეტულ მიმართულებებზე. „მშვიდობიანი საქართველოს“ წარმომადგენლები ხარაგაულის მუნიციპალიტეტის

გამგებელს, კობა ლურსმანაშვილს და ტურიზმის სფეროს წარმომადგენლებს შეხვედნენ. მათ ის კონკრეტული დეტალები და მარშრუტები განიხილეს, რაც ზაფხულზე პროექტის განხორციელებისთვისაა საჭირო. უახლოეს მომავალში, ხარაგაულის მუნიციპალიტეტსა და არასამთავრობო ორგანიზაციის შორის ურთიერთთანამშრომლობის მემორანდუმზე გაფორმდება.

„ორი მუნიციპალიტეტის ფარგლებში 40 მარშრუტი განხორციელდება, აქედან 32 ბაღდათში, ხოლო 8 - ხარაგაულში. პროექ-

ტში ჩართული იქნებიან საბაზისო კლასის მოსწავლეები. ხარაგაულში ძირითადი აქცენტი სოციალურად დაუცველ ახალგაზრდებზე, გაკეთდება“- აღინიშნა შეხვედრაზე „მშვიდობიანი საქართველოს“ ბაღდათის რაიონული ორგანიზაციის თავმჯდომარე სალომე ზირაქაძემ.

კობა ლურსმანაშვილი: (ხარაგაულის მუნიციპალიტეტის გამგებელი) „ჩვენ, რა თქმა უნდა, ხელს შეუწყობთ მსგავსი პროექტების განხორციელებას. ხარაგაული და ბაღდათი მოსახლეობა მუნიციპალიტეტებშია და სიამოვნებით ჩავერთვებით მათთან ერთად ტურისტულ მარშრუტებში. ეკო-ტურიზმის განვითარება მნიშვნელოვანია მუნიციპალიტეტისთვის, ეს ხელს შეუწყობს ტურიზმის განვითარებას ხარაგაულში, რაც მომავალში, მეტი სამუშაო ადგილის შექმნის საწინდარია.“

ამავე დღეს „მშვიდობიანი საქართველოს“ წარმომადგენლები ბაზალეთის ადმინისტრაციული ერთეულის მოსახლეობას შეხვედნენ და მათი სოციალურ-ეკონომიკური მდგომარეობით დაინტერესდნენ. ორგანიზაციის პრეზიდენტმა, ირაკლი ჩიგოგიძემ, ადგილობრივ მოსახლეობას სამოქმედო გეგმები გააცნო.

თაბაგირიძე
მთავარი სპეციალისტი
საზოგადოებასთან ურთიერთობის საკითხებში

ხარაგაულის ა(ა)იპ „სათნოების სახლის“ ბენეფიციარებს უფასო სამედიცინო აქცია ჩაუბარდათ

ხარაგაულის ა(ა)იპ „სათნოების სახლის“ (დირექტორი გიორგი ჩიჩილიძე) და ხარაგაულის რეგიონული ჯანდაცვის ცენტრის (დირექტორი ქეთევან აბრამიშვილი) ერთობლივი ინიციატივით, „სათნოების სახლის“ ბენეფიციარებს უფასო სამედიცინო გამოკვლევები ჩაუტარდათ. ამბულატორიის მთავარი ექიმის, ქეთევან აბრამიშვილის ინიციატივით, ბენეფიციარებს ექიმი—სპეციალისტები მოემსახურნენ და მათ კლინიკურ—ლაბორატორიული და სადიაგნოსტიკო გამოკვლევები ჩაუტარეს. უფასო სასადილოს მომხმარებლებს როგორც ადგილობრივი ასევე მონვეული ექიმები მოემსახურნენ.



იბერეთის ალათბურთის ჩამვირნაბში ხარაგაულმა მეორე ადგილი დაიწა



ხარაგაულის სპორტის განვითარებისა და მართვის მუნიციპალურ ცენტრში კალათბურთში იმერეთის გოგონათა ჩემპიონატის ფინალური მატჩი გაიმართა. შეხვედრას იმერეთის კალათბურთის ფედერაციის პრეზიდენტი მამუკა ჩიხლაძე, ხარაგაულის მუნიციპალიტეტის გამგებელი კობა ლურსმანაშვილი, გამგებლის მოადგილეები: პაატა გოგოლაძე, დავით დევდარიანი და საკრებულოს საფინანსო-საბიუჯეტო კომისიის თავმჯდომარე ვარლამ ჭიბაძე ეხმარებოდნენ. დასკვნით შეხვედრაში ერთმანეთს ხარაგაულისა და ქუთაისის გუნდები დაუპირისპირდნენ. საბოლოო გამარჯვება ქუთაისის ნაკრებმა მოიპოვა, ხოლო მეორე ადგილზე ხარაგაულის გუნდი (მწვრთნელი გონა ბუაჩიძე) გავიდა. გამარჯვებულს სულიკო თორთლაძის სახელობის გამრამავალი თასი ხარაგაულის მუნიციპალიტეტის გამგებელმა, კობა ლურსმანაშვილმა, გადასცა. სერტიფიკატებითა და მედლებით დაჯილდოვდნენ: ხარაგაულის, ზესტაფონისა და ტყიბულის გუნდები, რომლებმაც შესაბამისად მე-2, მე-3, მე-4 ადგილები გაინიშნეს. დაჯილდოების ცერემონიაში მონაწილეობა მიიღეს ხარაგაულის მუნიციპალიტეტის გამგებლის მოადგილეებმა: პაატა გოგოლაძემ და დავით დევდარიანმა, ასევე ბორის სკოლა-პანსიონის პედაგოგმა გიგა ბერაძემ. გამოვლინდნენ საუკეთესო მოთამაშეები, რომლებსაც ფასიანი საჩუქრები გადაეცათ საუკეთესო ფორვარდი ლანა გენაძე-ზესტაფონი; საუკეთესო უკანა ხაზის მოთამაშე ანი ბლიაძე-ხარაგაული; საუკეთესო სამჭულანები სალომე გაბრიჭიძე-ქუთაისი. ყველაზე

პატარა მონაწილის პრიზი წილად ხვდა ხარაგაულელ თამარ ინასარიძეს. ფასიანი საჩუქრით დაჯილდოვდა სასკოლო ოლიმპიადაში გამარჯვებული, მაგიდის ჩოგბურთის გოგონათა გუნდის მწვრთნელი გიგა ბერაძე.

ღონისძიების დასასრულს იმერეთის კალათბურთის ფედერაციის პრეზიდენტი მამუკა ჩიხლაძემ, მადლობა გადაუხადა მუნიციპალიტეტის გამგებელს კობა ლურსმანაშვილს და ა(ა)იპ „სპორტის განვითარებისა და მართვის მუნიციპალური ცენტრის“ დირექტორს დავით გელაშვილს. კალათბურთის ფედერაციის პრეზიდენტმა ადგილობრივ თვითმმართველობას კალათბურთში აქტიური მონაწილეობისათვის დიპლომი გადასცა. შეგახსენებთ, რომ იმერეთის ქალთა ჩემპიონატი კალათბურთში 23 აპრილს დაიწყო და მასში ხარაგაულის, ზესტაფონის, ტყიბულისა და ქუთაისის გუნდები იღებდნენ მონაწილეობას. აღნიშნული მატჩი იმერეთის სამხარეო ადმინისტრაციისა და იმერეთის ოლიმპიური კომიტეტის მხარდაჭერით უკვე მე-3 წელია იმართება.

პაპა შავიძე




ხარაგაულში ახლადრეაბილიტირებულ ღია ესტრადაზე დაემატებოდა სამუშაოები მიმდინარეობს



ხარაგაულში ახლადრეაბილიტირებულ ღია ესტრადაზე დამატებითი სამუშაოები მიმდინარეობს. ამფითეატრის დარბაზს დაემატება წვიმისგან დამცავი მოწყობილობა, ასევე შეიღებება ესტრადის შიდა ფასადი. ღია ესტრადის რეაბილიტაცია ხარაგაულში რეგიონული განვითარების ფონდიდან დაფინანსდა. საკონცერტო დარბაზი ექვსას მაცურებელზეა გათვლილი.

და დაბრუნდა პალი გაუნარჯელი სიყვარულისა...

(არსენ სხილაძის ხსოვნას)



ჩვენ არსენ!

ორი თვის წინ გამომდევნა, რომ უკურნებელმა სენმა თავისი ორლესული მახვილი დაგიმიზნა, სიკვდილმა სათავისოდ მიგიჩნია...

ფანტაზიით აღვიქვამ, თუ როგორ შეხვდა 18 წლის ასაკში ჩვენგან განზორრებული უსაყვარლესი მიშო, მიშოკო სხილაძე თავის 68 წლის მამას, არსენ სხილაძეს. ნეტავ შენ თუ იცანი უკვე 36 წლის დაფაკაცებული შენი ამქვეყნიური დიდი სიხარული და მერე მოუშუშებელ ჭრილობადქცეული შენი მიშოკო...

... ვიგონებთ მცხრდასულ დღეებს, ერთ ჭერქვეშ მცხოვრებ რვაბინიანი სახლის ერთ ოჯახად შეკრულ რვა ოჯახს...

ობობაში გაზრდილმა ყმანვილმა დამოუკიდებლად, მხოლოდ საკუთარი უნარით გაიკვილე გზა წუთისოფელში. ცისანა ჩიტაძის სახით ღირსეული ოჯახის ჭკვიანი, შრომისმოყვარე და უპატიოსნესი ქალიშვილი აირჩიე ცხოვრების თანამგზავრად. ჩვენ თვალწინ გაივსო და გალაშქრა შენი კერა. სამა ფრთხაბატულა ანგელოზმა - თინათინმა, თამარმა და მამის სენია მიხეილმა - სხვა საზრისი მისცა თქვენს ოჯახურ ყოფას. ჭერი ახადა მიშოკოს დაბადებით აგუფუნებულმა სხილაძეების, ვეფხვაძეების, ჩიტაძეების „მრავალჟამიერმა“...

მერე მოულოდნელი მეხტატება... რომლის ნაპერწკლები დღესაც აწნია ჩვენს გულს, ყველას, ვინც მიშოკო

სხილაძეს იცნობდა, მის მომავალს შეპყრობდა...

დააფრთხიან შეილები ახალი ძალა შეგმატეს თვალბატულა შვილიშვილებმა: გიორგიმ, მიშოკომ, ნინომ, მარიამმა, ლევანმა, ქეთევანმა, ერეკლემ...

- რა კარგი ყოფილა ავადყოფობა, შვილები და შვილიშვილები სულ ჩემთან არიან, გითქვამს.

ავადყოფობასთან შერკინებულ შენს ნათელ გონებას ბოლო სამ კვირას ბურუსი გადაეფარა, პერიოდულად მხოლოდ „ჩიტო, ჩიტოს“ იძახდი. უერთგულეს მეუღლეს ამ სიტყვებით ეფერებოდი სიცოცხლეშიც და სიცოცხლესთან განშორების დროსაც. ანდერძად დაუბარე შვილიშვილებს: „ბებო ხშირად გააციხეთ, ეცადეთ, რომ არ იტიროს...“

ამ ანდერძს უეჭველად აგისრულებენ შენი ანგელოზები. თვით შენ ხომ, სრულიად ჩვილ ასაკში დაობლებულმა, მთელი ძალით შეიგრძენი ბებუის სიტყვო, მისი მადლი. სულგანათლებულმა ქალბატონმა, მარუსა ნიშნაიძემ, თავის მეცხრე შვილი, შენზე შეიღო თვით უფროსი ამირანი, ჭუჭუს მოსწყვიტა და ტკბილი ულუფა შენ მოგკერდა. ბებოს რძით დაპურდი და გაიზარდე - განა მეტი მადლი იქნება?! მერე ბებოს ანდერძისამებრ ავეც სახლი მშობლიურ ილემში ამირანის სახლის მოპირდაპირედ და ე.წ. „ძმობის ხიდი“ გულეზბივით შეაერთე ბიძა-მისსვილის სახლებში...

ჩვენ არსენ! ხარაგაულის ქუჩებს იშვიათად თუ ახსოვთ ისეთი ხალხმრავლობა, როგორც შენს პანაშვიდებზე და ბოლოს სამუდამო სავანესთან მიახლებასაც იყო...

შენ ხომ ყველას თანამდგომი იყავი ჭირსა და ლხინში. ვალი არავისი ვაგყოლია... ჩვენ, დროებით აქეთ დარჩენილებს, კი დაგვრჩა თქვენი ვალი. ეს, თქვენ მიმართ გაუხარჯავი სიყვარულია, რომელიც მაღივალ აენთება, აბრიალდება, რათა გაანათოს ნაადრევად ნასული კარგი ქართველის, არსენ სხილაძის, უკვდავი სახელი.

მერი მიორიძე

ხარაგაულის სასწრაფო სამედიცინო დახმარების ცენტრს ახალი სპეც მანქანა გადაეცა

ხარაგაულის სასწრაფო სამედიცინო დახმარების ცენტრს ახალი სპეც მანქანა გადაეცა. სამედიცინო აპარატურით აღჭურვილი მანქანები საქართველოს ყველა რეგიონში 27 აპრილს განაწილდა. 20 მაღალი გამავლობის სპეც მანქანა ხარაგაულის, ზესტაფონის, ტყიბულის, ამბროლაურის, ლანჩხუთის, ოზურგეთის, ქობულეთის, მარტვილის, თელავის, გურჯაანის, მცხეთის, ნალკის, თეთრიწყაროს, გარდაბნის, კასპის, ქარელის, ნინოწმინდის, ცაგერისა და ონის რაიონებში განთავსდა. რეგიონული სასწრაფო სამედიცინო დახმარების ცენტრს 180 საშუალო და მაღალი გამავლობის ავტომობილი 2014 წელს გადაეცა. 20 ახალი სპეც მანქანა რეგიონული სასწრაფოსთვის ჯანდაცვის სამინისტრომ გასული წლის ადმინისტრაციული ხარჯების შემცირების შედეგად შეიძინა.



ბორისა და ხვოს საჯარო სკოლები სკორობული ოლიმპიადის გამარჯვებულები გახდნენ



იმერეთის მუნიციპალიტეტის შორის სასკოლო სპორტული ოლიმპიადის დასრულება. ხარაგაულის მუნიციპალიტეტის საჯარო სკოლები ოლიმპიადის მასშტაბურად იყვნენ ჩართული. სპორტის სხვადასხვა სახეობაში ხარაგაულელმა ახალგაზრდებმა რამდენიმე საპრიზო ადგილი დაიკავეს. მაგდის ჩოგბურთში პირველი ადგილი ბორის სკოლა-პანსიონის გუნდმა დაიკავა. პირველი საპრიზო ადგილი მფლობელი ასევე გეზრბენში ხევის საჯარო სკოლის ვაჟების გუნდი გახდა.

ხარაგაულელმა ოლიმპიადებზე მეორე ადგილის მფლობელი სამი სკოლა გახდა. სასკოლო ოლიმპიადებზე კალათბურთში ვერტყვიჭალის საჯარო სკოლის გოგონების გუნდმა მეორე ადგილი მოიპოვა. ასევე მეორე ადგილის მფლობელები გახდნენ ბადმინტონში N3 საჯარო სკოლის ვაჟების და N2 საჯარო სკოლის გოგონათა გუნდები.

გეზრბენში მესამე ადგილი ხევის საჯარო სკოლის გოგონათა გუნდმა აიღო.

სასკოლო სპორტულ ოლიმპიადებზე, რეგიონის მასშტაბით ხარაგაულის მუნიციპალიტეტმა ქუთაისისა და წყალტუბოს შემდეგ გუნდური მესამე ადგილი დაიკავა. ზაფხულში პირველი ადგილზე გასული ბორის სკოლა-პანსიონისა და ხევის საჯარო სკოლის გუნდები საქართველოს მასშტაბით სპორტულ ოლიმპიადის გამარჯვებულ ბავშვებთან ერთად, ორი კვირით ანაკლიის ბანაკში დაისვენებენ.

თამარ მაღრაძე

ხარაგაულის „ჩხერიმელამ“ მორიგი გამარჯვება მოიპოვა



ხარაგაულის „ჩხერიმელამ“ მორიგი გამარჯვება მოიპოვა. 10 მაისს საფეხბურთო კლუბი საკუთარ სტადიონზე რუსთავის „რუსთავს“ დაუპირისპირდა. დაძაბული თამაში „ჩხერიმელას“ სასარგებლოდ 2:1 დასრულდა. მონინალმდევის კარში ორი გოლი თამაშის პირველ ტაიმში გავიდა. საფეხბურთო კლუბი „ჩხერიმელა“ პირველ ლიგაში თამაშობს. ამ თამაშით გუნდმა სატურნირო ცხრილში მეოთხე ადგილი შეინარჩუნა. ხარაგაულის „ჩხერიმელა“ მორიგ თამაშს 16 მაისს ხელვაჩაურის „მაჭახელასთან“ გამართავს.

ხარაგაულელმა ზაურ ბერაძემ „ბაქოს გრან-პრიზე“ მეორე ადგილი დაიკავა

29 აპრილს აზერბაიჯანის ქალაქ ბაქოში თავისუფალ ჭიდაობაში „ბაქოს გრან-პრის“ ტურნირი გაიმართა. ტურნირზე ხარაგაულელმა ზაურ ბერაძემ (მწვრთნელი კახა დობოჯგინიძე) მეორე საპრიზო ადგილი დაიკავა. მან 84 კგ. წონით კატეგორიაში იასპარეზა და ფინალურ შეხვედრამდე ზედიზედ დაამარცხა აზერბაიჯანელი და ყირგიზი მოჭიდავეები. „ბაქოს გრან-პრიზე“ მეორე ადგილიც საკმაოდ მნიშვნელოვანია, მაგრამ გამარჯვება მინდოდა. ფინალში ირანელ მოჭიდავესთან დავმარცხდი. ვარჯიშს განვაგრძობ და მუდმივად ფორმაში ვარ“- აღნიშნა ჩვენთან საუბარში ზაურ ბერაძემ.

ზაურ ბერაძე ხარაგაულის სპორტის განვითარებისა და მართვის მუნიციპალური ცენტრის (დირექტორი დავით გელაშვილი) სპორტსმენია. მან ორიოდ კვირის წინ საბერძნეთის ჩემპიონატში პირველი ადგილი დაიკავა.



ბორის სკოლა-პანსიონის სამოქალაქო „SMART - ქალაქი“ მორიგი სოციალური აქცია განახორციელა



ბორის სკოლა-პანსიონის (დირექტორი ჰამლეტ ბერაძე) სამოქალაქო „Smart - კლუბმა“ (სამოქალაქო განათლების პედაგოგი მაია ბარბაქაძე) მორიგი სოციალური აქცია განახორციელა. აქცია ადგილობრივი თვითმმართველობის დახმარებით, ა/ო „ფონდი თბილისის მოზარდთა სახლის“ დაფინანსებითა და ამერიკელი მეგობრების მხარდაჭერით ჩატარდა. კლუბის წევრებმა გამგებლის მოადგილე თემიურაზ ჩხეიძესთან, სკოლა - პანსიონის დირექტორ ჰამლეტ ბერაძესთან და კიციხის ადმინისტრაციულ ერთეულში გამგებლის წარმომადგენელ გია ჩხიკვაძესთან ერთად სოციალურად დაუცველ სამ ოჯახს (მურმან ხიჯაკაძე - წყალაფორეთი, ზურაბ მუმლაძე - კიციხი და ხვიჩა ავალიშვილი - ვარძია) საკვები პროდუქტები გადასცეს.

თამარ მაღრაძე



განცხადება

ხარაგაულელ გოგა კვინიკაძეს კიდევ ერთხელ სჭირდება ჩვენი დახმარება. გოგას თბილისში ინოვას კლინიკაში უნდა გაუკეთდეს სასწრაფო ოპერაცია, რომლისთვისაც 6 000 ლარია საჭირო. ყველანი ერთად დავეუდგეთ გოგას გვერდში, რათა დაუბრუნდეს ცხოვრების ჩვეულ რიტმს. მათ ვისაც გსურს გაუწიოთ ფინანსური დახმარება გოგა კვინიკაძის ოჯახს, თანხა შეგიძლიათ ჩარიცხოთ ლიბერთი ბანკის ანგარიშზე- GE17LB071128138522000.